



Na osnovu člana 56. Zakona o organizaciji uprave u Federaciji Bosne i Hercegovine ("Službene novine Federacije BiH", broj: 35/05), člana 31. stav 1. i člana 38. Zakona o izvršavanju Budžeta Federacije Bosne i Hercegovine za 2017. godinu ("Službene novine Federacije BiH", br.104/16 i 96/17) i tačke II Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava - „Tekući transferi pojedincima -Transfer za rješavanje socijalno-statusnih pitanja branilaca i članova njihovih porodica“ utvrđenih izmjenama i dopunama Budžeta Federacije Bosne i Hercegovine za 2017. godinu, V.broj: 1645/17 od 14.12.2017. godine, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, objavljuje:

JAVNI POZIV

za podnošenje zahtjeva za dodjelu jednokratne novčane pomoći za rješavanje socijalno-statusnih pitanja pripadnika branilaca i članova njihovih porodica koji se nalaze u stanju potrebe za 2017. godinu

I

Predmet Javnog poziva je odobravanje jednokratne novčane pomoći za rješavanje socijalno-statusnih pitanja pripadnika branilaca i članova njihovih porodica koji se nalaze u stanju potrebe za 2017. godinu, utvrđenog u razdjelu 32; glava 3201, ekonomski kod 6142 – Budžeta Federacije Bosne i Hercegovine za 2017. godinu.

II

Pravo prijave na korištenje sredstava iz tačke I Javnog poziva mogu ostvariti lica iz člana 1. Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 i 90/17), pod uslovima i na način koji je utvrđen Odlukom Vlade Federacije BiH sa ciljem rješavanja socijalnih pitanja pripadnika boračkih kategorija koji se nalaze u stanju potrebe.

III

Licima iz tačke III Odluke dodjeljuju se sredstva i to na način:

- Dodijeljena sredstva u anuitetu do 10% od prosječne plate u Federaciji BiH, obračunatoj za 2016. godinu za provedenih minimalno 12 mjeseci u ARBiH, HVO i MUP;
- Dodijeljena sredstva u anuitetu do 15% od prosječne plate u Federaciji BiH, obračunatoj za 2016. godinu za provedenih minimalno 13 do 24 mjeseca u ARBiH, HVO i MUP;
- Dodijeljena sredstva u anuitetu do 20% od prosječne plate u Federaciji BiH, obračunatoj za 2016. godinu za provedenih minimalno 25 do 36 mjeseci u ARBiH, HVO i MUP;
- Dodijeljena sredstva u anuitetu do 25% od prosječne plate u Federaciji BiH, obračunatoj za 2016. godinu za provedenih minimalno 37 do 48 mjeseci u ARBiH, HVO i MUP.



IV

Kriteriji za odobravanje sredstava za rješavanje socijalnih pitanja pripadnika boračkih kategorija koji se nalaze u stanju potrebe su:

1. Da se lica iz tačke III Odluke nalaze na Birou za zapošljavanje posljednje 3 godine do dana stupanja na snagu Odluke, osim djece bez oba roditelja.
2. Da lica iz tačke III Odluke i članovi njihovog domaćinstva ne obavljaju samostalnu djelatnost ličnim radom i da nemaju drugih prihoda na osnovu izdavanja u zakup stambenih zgrada, poslovnih prostora i sl.
3. Da lica iz tačke III Odluke nisu uživaoci domaće ili inostrane penzije.
4. Da lica iz tačke III Odluke i članovi njihovog domaćinstva nisu korisnici stalnih mjesečnih novčanih primanja po federalnom ili kantonalnim propisima.
5. Da lica iz tačke III Odluke i članovi njihovog domaćinstva imaju ukupna primanja manja od 250, 00 KM mjesečno.
6. Da lica iz tačke III Odluke u posljednjih 20 godina nisu primili 10.000, 00 KM ili više bespovratnih sredstava od strane opštinskih, kantonalnih, federalnih i državnih institucija, osim lica (prognanici ili izbjeglice ili interno raseljena lica), koja su sredstva dobili za obnovu stambenih objekata.
7. Da lica iz tačke III Odluke nisu dobili nekretninu (stan, poslovni prostor i kuću) od državnih institucija, osim djece bez oba roditelja.

V

Javni poziv za dodjelu sredstava objavit će se na WEB stranici Federalnog ministarstva, i najmanje jednom dnevnom listu velikog tiraža, s ciljem dostupnosti široj javnosti.

VI

Federalni ministar rješenjem imenuje komisiju. Komisija se sastoji od ukupno 5 (pet) članova i to: tri člana od uposlenika Federalnog ministarstva i jednog člana Koordinacije ARBiH i jednog člana Koordinacije HVO-e.

Komisija na osnovu javnog poziva razmatra zaprimljene aplikacije, cijeni ispunjenost uvjeta u skladu sa kriterijima za odobravanje sredstava, vodeći računa o ravnomjernoj zastupljenosti po komponentama i kantonima.

Predstavnici boračkih saveza, organizacija i udruženja (potpisnici Sporazuma) bit će upoznati sa listom za dodjelu i o istoj dati svoje mišljenje.

Komisija sačinjava prijedlog liste za dodjelu sredstava predmetnog transfera na osnovu koje pojedinačna rješenja o dodjeli sredstava donosi federalni ministar.

VII

Inspektorat Federalnog ministarstva će po principu slučajnog uzorka vršiti provjeru dokumentacije za ostvarivanje prava na finansijsku pomoć.

Federalni ministar će rješenjem utvrditi obavezu povrata dodijeljenih sredstava u slučaju da se putem Inspektorata dokaže da nije bilo osnova za dodjelu (falsifikovana dokumentacija, netačni podaci, prikrivanje činjenica i sl.).

VIII

Prijedlog za odobrenje sredstava za pružanje jednokratne novčane pomoći za rješavanje socijalno-statusnih pitanja pripadnika branilaca i članova njihovih porodica federalnom ministru daje Komisija.

Komisija razmatra zaprimljene zahtjeve na osnovu Javnog poziva sa kriterijima te obrazložen prijedlog dostavlja federalnom ministru koji donosi konačnu odluku.

IX

Aplikacioni formular će biti objavljeni na WEB stranici Federalnog ministarstva (www.fmbi.gov.ba), a moći će se preuzeti i u Grupama/Samostalni izvršioci za pitanja evidencija iz oblasti vojne obaveze u općinama.

Zahtjevi po Javnom pozivu podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, odnosno Grupama/Samostalni izvršioci za pitanja evidencija iz oblasti vojne obaveze u općinama ili putem pošte na adresu Alipašina 41, Sarajevo.

Zahtjevi koji nisu blagovremeni i zahtjevi koji su predati prije raspisivanja javnog poziva, neće se uzeti u razmatranje, a Federalno ministarstvo nema obavezu vraćanja predate dokumentacije.



Broj: 01-34-6410/17
Sarajevo, 14.12.2017. godine